

АССАЛАМУ АЛЕЙКУМ!

РАЙОННУ ЯШАВУ



БУДНИ РАЙОНА

◆ Къарабудагъгент районну жумалыкъ жамият-сиясат газети.

◆ Газета выходит на кумыкском и русском языках.

◆ Карабудагкентская районная еженедельная общественно-политическая газета.

◆ № 21 (6658) Жумагюн, 3 июн (къыржан) 2022-нчи йыл

◆ Пятница, 3 июнь, 2022 год

◆ Газета издаётся с ноября 1951 года

Районну башчысы къутлай

1 июн – Яшланы якълаву Халкъара гюню

Аявлу яшлар ва ата-аналар!

Сизин барыгъызны да гъакъ юрекден Яшланы якълаву Халкъара гюню булан къутлайман. Чарасыз уягълюлени яшларына тергев болдурув, оланы интереслерин ва ихтиярларын якълае уьлкени сиясатыны ине аслу гесеги болуп токътай. Бугюню яшланы шат байрамы бизге, уллулагъа, яш наслуну алдында нечик жаваплы экенибизни эсге сала. Адамны яшавунда яшланы шат юзлеринден ва савлугъундан алда бир зат да ёкъ. Аявлу яшлар, мен сизге янгыз байрам гюнюгюзде туююп, йылны гъар гюнюнде де кеп яхшылыкълар, насип, шатлык ва къатты савлукъ ёрайман



6 июн – Мелиораторну гюню

Район Жыйыныны депутатларыны ва «Къарабудагъгент район» муниципал къурулувну администрациясыны атындан ДР-ни ФГБУ-ну «Минмелиоводхозуну» бизин райондагъы белююню коллективин озлени касбу байрамы – этишип гелеген Мелиораторну гюню булан гъакъ юрекден къутлайман.

«Минмелиоводхоз РД» ФГБУ коллективини низамлы иши, оьр квалифи-

кациялы специалистлер булан таъмин этилгенлиги, гъалиги технологияланы къоллаву районда экономика, финанс ва социал масъалаланы чечивде гёрмекли болушлукъ эте. Районну мелиораторларын ва ветеранларын озлени касбу байрамы булан гъакъ юрекден къутлайман, къаркъараларына къатты савлукъ, насип ва ишинде уллу уьстюнлюклер ёрайман.

8 июн – Социал къуллукъчуну гюню

Гьюрметли социал къуллукъчулар!

Сиз озюгюзюню рагъмулу ишеге, яшавдагъы гъар тюрлю гъаллагъа гёре гьукуматны ягъындан якълае ва кёмек тарыкъ ватандашланы къуллукъларын кютювге багъышлагъансыз. Олар – оьмюрге баргъан, сакъат адамлар, даву ва загъматны ветеранлары, яшавда къыйынлыкъларгъа туюшген, чарасыз агълюлер, етим яшлар...

Сизин иште ине де бек тарыкъ хасиятлар: рагъму, языкъсыныв, чыдамлыкъ, адамгъа кёмек этме сюегенлик болуп токътай.

Шолар барысы да осал, этишип болмайгъан, якълае тарыкъ адамланы юрегине умут, яхшылыкъгъа, тюзлюкге, рагъмулукъгъа инамлыкъ бере. Бугюн социал къуллукъланы кутегенлени ишинде кеп тюрлю янгылыкълар ва къайдалар бар, шогъар гёре халкъ учун этилеген шо къуллукъланы даражасын ва пайдасын артдырмагъа тарыкъ.

Сизин байрам гюнюгюзюню алдында яхшы ишигиз саялы, рагъмугъуз саялы сизге разилигимни билдиремен. Социал тармакъны бары да къуллукъчуларына ва ветеранларына савлукъ, насип, парахатлыкъ ва уьстюнлюклер ёрайман!

Магъмут Амралиев, «Къарабудагъгент район» муниципал районну башчысы

ДР-ни Башчысы

Сергей Меликов бизин районда

Багъавутдин САМАДОВ

2-нчи июнда ДР-ни Башчысы Сергей Меликов иш сапар булан бизин районда болду. Ону шо сапарында ДР-ни Пачалыкъ секретары Магъамматсолтан Магъамматов, ДР-ни

районну башчысы Магъмут Амралиев, республиканы министрлери, масса маълумат къуралланы вакиллери узатдылар.

Олар инг башлап «Союз» деген оьвощлар сакъланагъан хас ерде болду. Ондан сонг, гезел Каспий

Савлай республикагъа аты белгили «Герей-тюз» агрофирмада юзюм сакъланагъан складлагъа, сонг да чагъырлар выставка этилеген ерлеге Сергей Меликов ва озгелер озлени тергевюн этдилер.

«Герей-тюз» агрофирмадан сонг

рулгъан яшлар бавунда да болдулар.

ДР-ни Башчысы ва ону узатагъанлар Губден юртда янгы къурулгъан маданият уйюню бинасына къаргъан сонг, Россияны Игити Абдулмалик Магъамматовну уьюнде де болдулар ва ону игитлиги гъакъда да



Халкъ Жыйыныны депутатлары Магъаммат Магъамматов ва Далгъат Залбеков, олай да, Къарабудагъгент

денгизни боюнда ерлешген муниципал пляжгъа, «Каспий-Марина» деген ял алагъан базагъа барды.

къонаклар ва оланы узатагъанлар Жанга юртда 120 гиччилав тарбияланмакъ ва билим алмакъ учун къу-

бирдагъы керен айтылды.

(Материал гелеген номерде генг кюйде берилежек)

Китапханаланы гюннде

Ачыкъ эшиклени гюню

Нюрсагъадат ИЗАМУТДИНОВА

Барыбыз да билеген кюйде, май айны 27-нде Китапханаланы Бютюнроссия гюню белгиленди. Шо гюнге багъышланып Къарабудагъгент Баш китапханада Ачыкъ эшиклени гюню оьтгерилди. Шо гюн китапханага гелгенлер «Листая вечные страци» деген выставкага да къарап бола эди.



Гелгенлеге китапханачылар языв къачан чыкъма башлагъаны, китап печат этивню, китапхананы тарихлери гъакъда хабарлагъан.

Олай да, китапханага гелген къонакълар ва охувчулар китапланы презентациялары булан таныш бола эди. Гелгенлени бирлери озле-

ни уй китапханасындагы инг кеп сюеген китапларын китапханага савгъат этди.

Яшлар «О библиотеке и в шутку, и всерьёз» деген выставкада кеп сюеп ортакъчылыкъ этдилер.

Охув залда оьтгерилген «Рукотворное волшебство» деген выставкада китапхананы охувчу къызларыны

согъуп этилген ишлери ерлешген эди.

Ачыкъ эшиклени гюннде яшлар учун адабият викторина, тюрлю конкурслар, оюн охув оьтгерилди.

Яшлар китапханачылары касбу байрамы булан къутлап, олагъа савлукъ, устьюнлюклер ва кеп яхшылыкълар ёрады.

Патриот тарбиялав

«Давну гъакъында охуйбуз»

Алдагы гюнлерде «Читаем детям о войне» деген Уллу Устьюнлюкге багъышлангъан чара оьтгерилди. Къарабудагъгент 3 номерли орта школаны китапханасыны къуллукчулары ва Къарабудагъгент районну коммунистлери шо акцияга къуршалды. Китапханачы Байгинат Мамашева оьрде эсгерилген темага гере китап выставка гъазирлеген эди. Выставкада давну гъакъында яшлагъа язылган китаплар тизилген эди. Озьюню сёйлевюнде Б.Мамашева Уллу Ватан давну заманында бары да халкъ бирлешип ватанын якълама къуршалгъанын, оланы арасында кеп яш патриотлар да болгъанын эсгерди.

Педагог Издек Гъажиева охувчулагъа Уллу Ватан давну, Устьюнлюкню, совет халкъны къочакълыкълары гъакъда хабарлады. Орус тил дарсланы муаллими Раят Абужаева дав

йылланы язывчуларыны ва шайрлерини яратывчулугъу гъакъда айта туруп, оланы асарлары, шийрулары халкъны къочакълыкъгъа, элине амин болмагъа ругъландыргъаны гъакъда, душмангъа къаршылыкъ

ловека» деген ва Надежда Надеждинаны «Партизанка Лари» деген хабарларындан гесеклерин охуду.

Озьюню сёйлевюнде ол, охувчулары патриот ругъда тарбиялавда адабият гёрмекли ерни тутагъанны эсгерди.



билдирмеге чакъырагъанын эсгерди.

КПРФ-ни Къарабудагъгент Райкомуну 1-нчи секретары Ф.Элмурзаева Михаил Шолоховну «Судьба че-

Акцияны ортакъчылары дав темага язылган асарлары иштагылы кюйде охуп, озлени ойлары ва пикрулары айтды, охугъанларын арагъа салып ойлашдылар.

Къутлавлар

Июнь айны 1-нде Мурат Гъамзатович Сайитов озюню 80 йыллыгъын белгиледи. М.Сайитов Къарабудагъгент юртда 1942-нчи йылда ярлы-сабанчы агълюде тувгъан.

1949-нчу йылдан 1961-нчи йылгъа ерли ол Къарабудагъгент орта школада охугъан. Школаны битген сонг М. Сайитов Къарабудагъгент юрт советде ВУС-ну ёлбашчысы болуп иш башлагъан.

1963-нчу йыл ол Львов шагъардагы военно-пожарные техническое училищеге охумагъа тюше. Училищени битдирген сонг, 1966-нчи йыл М.Сайитов МВД-ни ВПЧ-1 бёлюгюнде инспектор болуп иш башлагъан. 1973-нчу йыл шо бёлюкню ёлбашчысыны ишинден тайгъан ва Къарабудагъгент РОВД-де Гостехнадзор инспектор болуп тюшюп 1975-нчи йылгъа ерли ишлеген.

1975-нчи йылдан 1977-нчи йылларда ол ДАССР-ни МВД-сини ВПЧ-1 бёлюгюнде начальникни орунбасары болуп чалышгъан. 1977-1983-нчу йылларда М.Сайитов РОВД-ни профилактика бёлюгюнде старший инспектор болуп ишлеген.

1983-нчу йылны май айындан 1991-нчи йылны декабрь айы болгъунча Къарабудагъгент РОВД-ни янында «Вневедомственная охрана» бёлюкню ёлбашчысы болуп ишлеген.

1991-нчи йылны декабрь айындан 1995-нчи йылны ноябрь айына ерли милицияны участка инспекторларыны бёлюгюню ёлбашчысы болуп ишлеген.

1995-1997-нчи йылларда М.Сайитов РОВД личный составыны ёлбашчысыны орунбасары болуп ишлеген.

Ишлей туруп, 1983-нчу йыл ол СССР-ни МВД-сини оьр школаны Ростов филиалын охуп битдирген. М.Сайитовну къайратлы загъматы гъукуматны янындан тергевсюз къалмагъан. Ол «За безупречную службу» деген медалны 1,2,3 даражалары булан савгъатлангъан, загъматны ветераны.

М.Сайитов уягълюсю булан 5 яшны тарбиялап, оьсдюрген. Бугюнлерде ону 17 торуну бар.

Ишлейген йылларында М.Сайитов кеп керенлер ДАССР-ни МВД-сини янындан гьюрметлев грамоталар булан савгъатлангъан.

Ол пенсияга чыкъгъан сонг, ону сиптечилиги булан Къарабудагъгентде Магъачкъала кадет школаны филиалы ачыла. Ишлеп уйренген М.Сайитов 2000-2005-нчи йылларда кадет школаны филиалыны директору болуп ишлей.

Биз бугюн милицияны ветераны Сайитов Мурат Гъамзатовични 80- йыллыкъ юбилеи булан къутлай туруп, огъар гъакъ юрекден къатты савлукъ, узакъ оьмюр, паракат яшава ва кеп яхшылыкълар ёрайбыз.

МВД-ни ветеранларыны атындан ОВД-ни Къарабудагъгент район бёлюгюню ветеранларыны советини ёлбашчысы Нурмагъаммат Мурзаев

Июн айны 1-нде бизин къурдашыбыз Мурат Сайитовгъа 80 йыл тамамланды. Бизин ёлдашыбыз Мурат гъар даим де бизин яхшылыкъларыбызгъа табылгъан, къыйынлы гюн гелсе ортакъчы болгъан. Биз ону 80 йыллыкъ юбилеи булан къутлай туруп, огъар гъакъ юрекден къатты савлукъ, узакъ оьмюр ва паракат яшава ёрайбыз.

Сагъа дагъы да кеп йыллар агълюне булан яшама Аллагъ насип этсин!

Уллу гьюрмет булан сени къурдашырынг

Утеря

Утерянные документы на земельный участок (0,1 га) за №188 в местности «Чергес», село Параул, выданные на имя Ахмедова Рукнутдина Магомедовича, считать недействительными.

Газета основана в 1951г.

Учредители:

1. Администрация МР

«Карабудахкентский район»
с. Карабудахкент,2. Собрание депутатов МР
«Карабудахкентский район».

Главный редактор

А.Г.Гаджиев

Ответственный секретарь

Н.И.Изамутдинова

Тел.\факс редакции:
(87232) 55-19-88,
+7 928-557-69-00

Издатель:

МУП редакция районной
газеты «Районну яшаву»
("Будни района")

Газета зарегистрирована

8 мая 2013 г. Управлением

Федеральной службы по надзору
в сфере связи, информационных
технологий и массовых коммуникаций
по РД и выдано свидетельство о
регистрации СМИ ПИ № ТУ 5 - 00252.Адрес редакции и издателя:
РД, Карабудахкентский район,
с.Карабудахкент, ул. Гамзатова, 22

Индексы:

6 мес. – 51362, 1 год – 63300

Точка зрения редакции не обязательно
совпадает с мнением авторов.
Рукописи не рецензируются и
не возвращаются.

E-mail: budnirayona@mail.ru

Наш сайт –

www.budnirayona.ru

Тираж 2710 экз.

Материалы не рецензируются
и автору не возвращаются.За достоверность информации
ответственность несут авторы
публикуемых материалов.Газета напечатана в типографии
«ИД «Дагестан».

Адрес: г. Махачкала,

пр. Насрутдинова, 61

Время подписания в печать – 16 ч. 00 м.

Подписано – 16 ч. 05 м.